



SÁMIRÁĐI KULTURDOARJAGA NJUOLGGADUSAT

1. Doarjaga ulbmil

Kulturdoarjaga ulbmil lea doarjut, ealáskahttit ja ovddidit sámiid árbevirolaš ja odđaaigásaš kultuvrra riikarájaid rastá. Doarjagiin háliidit nannet sámiid kultureallima ja ovttasbarggu, ja fállat vejolašvuoda sápmelaš joavkkuide, servviide ja ovttaskas olbmuid ohcat kulturdoarjagiid.

2. Gii sáhtta ohcat

Kulturdoarjaga sáhttet ohcat ovttaskas sápmelaččat, sámejoavkkut ja sámesearvvit. Kulturuhta ii addojuvvo stáhtaide, gielddaide, searvegottiide iige stáhtaid ruhtaduvvon mediaide. Kulturlávdegotti lahtuid ja várrelahtuid ohcamušat eai giedahallu.

Doarjja ii miedihuvvo ohcciide, geat eai leat doaimmahan dohkálaš loahpparaportta boares doaimmaid ovddas. Boares doaibma lea prošeakta dahje stipeanda, mas lea galgan raporteret badjel guokte jagi áigge.

3. Masa sáhtta ohcat

Kulturdoarjja sáhtta leat prošeaktadoarjja, bargostipeanda dahje oahppomátkestipeanda.

Prošeaktadoarjaga ulbmil lea doarjut kultuvrralaš ovttasbarggu riikarájaid rastá. Doarjja miedihuvvo vuosttažettiin doaimmaide, mat gusket unnimustá guovtti riikii, gos sámit ásset.

Bargostipeandda ulbmil lea doarjut aktiivvalaš kulturbargiid.

Oahppomátkestipeandda ulbmil lea doarjut aktiivvalaš kulturbargiid, vai sii besset fitnat báikkiin, gos lea vejolašvuolta ovddidit dáiddalašvuoda ja oazžut inspirašuvnna. Oahppomátkestipeanda miedihuvvo vuosttažettiin mátkkiide eará eamiálbmogiid lusa.

4. Mo ohcat

Ohcamušas galget leat mielde:

1. Bušeahhta
2. Ruhtadanplána
3. Čilgehus prošeavtta sisdoalus
4. Bargoplána
5. Áigeplána ja vejolaš mátkkeplána
6. Govat, jietnabáttit, čállosat dahje eará, mii čilge prošeavtta sisdoalu dahje bohtosiid.

Fuomáš: Ohcci galgá almmuhit, leago fidnuvvo ohccojuvvon ja miedihuvvon eará doarjja dahje ohccojuvvon go dasa doarjja maid eará sajis.

5. Doarjja ii addojuvvo čuovvovaš doaimmaide

- vuollebáhčagiidda dahje juo čađahuvvon doaimmaide
- servviid doaibmadoarjjan
- fásta doaimmaide ja dábálaš hálddáhusegoluide
- investeremiidda
- skuvladoaimmaide dahje oahppamateriála ráhkadeapmái



- faláštallandoaimmaide
- studeanttaid skuvlavázzimii

6. Mo doarjja máksojuvvo

Sámiráđi čállingoddi máksá mieđihuvvon kulturdoarjaga diŋgoma vuodul. Doarjja máksojuvvo guovtti oasis. Vuosttaš oasis lea 85 % ja dat máksojuvvo prošeavtta álggus. Nubbi oasis lea 15 % ja dat máksojuvvo go prošeavtta ruhtageavahančilgehus ja raporta leat dohkkehuvvon Sámiráđis.

Doarjaga diŋgomis gálga deavdit:

1. Diŋgonskovvi
2. De-minimis-skovvi

7. Čalmmustahttin

Sámiráđđi bivdá oainnusmahttit Sámiráđi nama ja/dahje logo prošeavttaid ja doaimmaid almmuhemiin, maida dat heivejit. Sámiráđđi háliida maid čalmmustahttit kulturdoarjagiin ollašutton prošeavttaid ja doaimmaid, ja bivdá juohkit Sámiráđđái prošeavttaid bohtosiid dego ovdamearkka dihte govaid, jietnafiillaid, videoid dahje eará maid Sámiráđđi sáhtta almmustahttit sosiála mediaide ja rapportaid bokte. Dás lea vejolaš spiehkastit jus leat erenoamáš sivat maid dihte bohtosiid ii sáhte juohkit almmolaččat.

8. Raporteren

Raporta ja ruhtageavahančilgehusa galgá sáddet Sámiráđi kulturlávdegoddái maŋimustá golmma mánotbaji maŋŋá go prošeakta, bargu dahje oahppomátki lea loahpahuvvon, jus ii leat sohppojuvvon eará.

Raporttas galgá leat mielde:

1. Doaibmačilgehus, mii muitala doaimma bohtosiid plána ektui.
2. Ruhtageavahančilgehus, mas galgá ovdanbuktit oppalaš goluid ja boaduid nu ahte dat leat buohtastahttojuvvon dohkkehuvvon bušehta mielde. Bargostipeandda čilgehusas ii dárbbáš čilget goluid. Sámiráđđi ii doarjjo prošeavttaid main lea badjelbáza.
3. Kuittet dahje kopijiat kuittiin galget leat mielde ruhtageavahančilgehusas jus ii leat revisor dárkkistan rehketdoalu. Jus visot ruđat eai leat geavahuvvon plána mielde, Sámiráđđái galgá máksit ruovttoluotta doarjagis báhcán oasis.

Doarjaga sáhtta massit, jus dan geavaheamis ii raportere mearreáiggi siste.

9. Jus prošeakta rievdá

Jus prošeakta dahje doaibma maŋiduvvo dahje rievdá mearkkašahti olu, galgá nu jođanit go vejolaš Sámiráđis ohcat dohkkeheami prošeavtta dahje doaimma rievdademiin.